



日本外史補

長曾我部氏

四



長須佐初國
益田氏藏書



二郎遠光

孫次郎長房

信濃守義長

日本外史補卷之四

三好氏

三好氏出於源義光玄孫小笠原長清長清父曰
加賀見遠光遠光長子光朝次子即長清生于甲

斐小笠原大日本史長清次子長房居阿波三好郡因

氏焉自細川氏領四國子孫世屬其部下長房後

八世曰義長義長孫曰之長後更名長輝稱筑前

守三好系圖讀史餘論之長變名長輝據重編應仁記按三好別記長清嫡子太郎長經封阿波

郡三好蓋誤事細川義春為家宰初細川賴之之後世

民部少輔高國
又武藏守存京大夫

為管領。居京師。上館。賴之弟詮春。居阿波。勝瑞。同下館。義春。即詮春裔也。任讚岐守。是時。管領細川政元無子。養族政春子高國。又養藤原政基子澄之。皆不中意。以澄之任丹波守護。愛養義春子澄元為嗣。澄元稱六郎。以其猶幼。留勝瑞。重編應仁記。養族政

春子高國。據系圖。按二川分流記。藤原政基。作藤原尚經。讀史餘論曰。澄元。讚岐守元晴子也。又曰。據系圖。觀之。為讚岐守義元子。外史曰。澄元為細川元勝子。又曰。細川賴之二弟。詮春。滿之。世領讚岐。阿波。曰。下館。詮春之後。為政春。滿之之後。為元勝。未詳其所據。分流記曰。澄元為細川讚岐守。慈雲院孫。慈雲院。即義春父。成之也。與本書合。可從。

永正二年。長輝與高島

長門國阿武
郡須佐枳園
益田或藏書

又六郎元長

某護澄元如京師。謁政元。竟留輔澄元。政元為人褊躁。信鬼神說。好潔齋。舉動無常。其宰杵西元長。藥師寺三郎左衛門。擅權。忌長輝。四年六月。元長與三郎左衛門謀曰。主公近狀如狂。其禍不遠。若六郎代立。長輝必用事。我不得不為之下。不如速行大事。擁立九郎。九郎。澄之也。乃誘政元近臣。福井四郎。竹田孫七等。覘政元入浴室。弑之。遂攻澄元館。長輝與高島等拒戰。不克。奉澄元走近江。元長等迎澄之。立為主。據嵐山。八月。長輝糾合近江。

伊賀大和河內淡路兵攻破嵐山斬元長等澄亦

自殺餘黨悉平。參取分流記重編應仁記按重編

三年香西元長作香西元近且云元近與藥師寺

三郎左衛門謀誘政元書佐戶倉某現政元入浴

室弒之今從分流記餘畧同南海治亂記曰政元

遇害時澄元在阿波長輝聞變發兵奉澄元攻嵐

山外史據長輝請將軍足利義澄以澄元為管領

之蓋誤任右京大夫而自尊其政削髮號奇雲三好氏始

盛既而奈良元吉伊丹元扶等嫉奇雲專恣謀廢

澄元迎高國於阿波立為主請援於大內氏先是

前將軍足利義植為政元所廢奔周防依大內義

興義興聞細川氏亂欲復義植乃許之五年四月

義興大舉擁義植而東高國將兵會義興于攝津

奇雲聞之奉澄元奔近江據甲賀山長子長秀次

子賴澄奔伊勢為國司北畠材親所殺近畿諸城

皆應義興六月義興統諸軍入京師足利義澄遁

近江朝廷奪其官爵再任義植征夷大將軍以義

興為管領。重編應仁記按足利季世記義興為管

領係永正八年王代一覽南海治亂記

並云永正五年四月奇雲奉澄元奔阿波五月奇

雲自將阿波淡路和泉河內攝津兵二萬與六角

定賴連和擊大內義興於京師不八年七月澄

利自殺于百萬遍寺外史據之誤

下總守長秀

修理進元吉
兵庫助元扶

右馬頭政賢

上總介義英

尾張守

尾張守

元族細川政賢以四國兵來援至和泉擊高國兵走之奇雲與政賢畠山義英等從澄元進入京師義興高國奉義植走丹波既而與六角定賴大友親治畠山尚順等合兵三萬來攻澄元軍小川奇雲與政賢義英拒之于舟岡山大敗政賢戰死奇雲從澄元脫走歸阿波

重編應仁記舟岡山之役。本書舉兩說一說係永正五年。一說係八年。諸書多作八年今從之。

十五年八月大內義興歸周防細川高國代義興專京師政十六年冬奇雲從澄元至兵庫攻細川高國將川原林正賴於越水

城高國來救十七年春與高國戰不決既而城中食竭正賴棄城走高國退屯尼崎我兵進攻高國夜拔營而遁澄元軍伊丹令奇雲追高國高國走近江奇雲乃入京師意寔驕將士解體五月高國與六角氏朝倉氏合兵四萬來攻奇雲不設備香川某安富某等皆叛降高國奇雲戰敗兵散乃走曇華院請降高國囚奇雲百萬遍寺將釋之先是奇雲以事殺細川成春成春子尚春降高國至是欲復父仇請高國圍百萬遍寺奇雲與子長

則長光俱死。澄元得敗報走播磨。遂歸阿波。高國為管領。拜武藏守。長秀之死伊勢也。奇雲以長秀子元長為嗣。於是元長以嫡孫承奇雲後。稱筑前

守。參取分流記。重編應仁記。按阿州將裔記。三好別記。並以元長為奇雲子。且別記載三好氏畧

系云。奇雲子三人。曰筑前守。曰宗三。曰笑嵩。而長秀賴澄長則長光四人。皆不載。其疎漏不足信也。

六月。澄元卒。季世記。三好記。子晴元立。元長輔之。重編應仁記。按

讀史餘論。以晴元為澄元弟。大永元年。細川高國廢足利義植。

迎故將軍足利義澄次子義晴於播磨。立為將軍。

義植奔淡路。重編應仁記。按外史。足利義植有二子。長曰義晴。季曰義維。蓋據大系圖。

四郎左衛門元盛
備後守植通

尊卑分派。今按平嶋系圖。以義維為義晴兄。與本書合。大系圖等說恐非是。六年。高國

殺其臣香西元盛。元盛兄波多野植通與弟柳本

彈正叛。起兵丹波。時京師政令大亂。元長聞之。謀

攻高國。以故細川政賢子澄賢為將。十二月。至堺

浦。植通彈正以丹波來歸。七年二月。與高國戰。桂

川破之。高國走近江。七月。元長從晴元圍伊丹城。

不下。十月。高國請援於朝倉氏。將其兵入京師。軍

東寺。及七條鳥羽。元長聞之。解圍。與畠山義英等

俱赴京師。義英與朝倉氏兵戰不利。元長赴救。殺

彌三郎國扶
神五郎政長號
宗三

傷甚多。享祿元年正月，晴元與高國議和，弭兵守堺城。伊丹國扶以伊丹降，元長族三好政長忌元長威權，與柳本彈正讒之。晴元曰：元長貳於高國，晴元信之，由是和敗。高國奔近江，遂如播磨，請援於浦上氏。二年正月，柳本彈正攻殺伊丹國扶。國扶與元長有姻，元長族三好遠江攻彈正於山崎城，彈正棄城走，枚方。晴元益疑元長，元長怨望。八月，辭歸阿波。參取分流記。三年九月，細川高國與浦上村宗合兵，自播磨入

攝津，攻拔富松城。晴元遣兵拒之，大敗。保大物城。十一月，高國攻陷大物城，晴元意悔，召元長。四年二月，元長往謁晴元于堺城，晴元大喜，命拒高國。高國村宗列營天王寺，及今宮、神戶渡邊，將攻堺城。二月，細川之持以八千人來援之。持，義春子也。元長合其兵，軍住吉。赤松晴政應高國徵來，軍神咒寺。初，晴政父義村為村宗所攻殺，至是晴政欲復父仇，陰送款於我，約內應。六月，晴政射村宗營中，驚。元長進擊，大破之，斬村宗。村宗

左京亮長政

驍將鳴村彈正奮戰與我兵相搏投水而死斬首二千餘級高國走尼崎匿深戶壘中我兵搜獲殺之重編應仁記本書赤松晴政作赤松政村今據赤松記改之分流記曰高國匿深戶三好康長圍之迫令自裁高國入廣德寺自殺於是晴元為管領任右京大夫元長輔之居堺城晴元既滅高國稍踈元長而寵木澤長政長政畠山義英臣也倍義英來仕說晴元攻義英破之結三好政長欲奪元長權屢譖之天文元年正月元長使三好一秀殺柳本彈正子甚四郎為伊丹國扶報怨也晴元聞之大怒將

豐前守實休

攝津守冬康
左衛門督一存

誅元長元長懼屏居堺浦南莊削髮號海雲因細川之持謝罪不釋六月晴元誘本願寺僧徒及和泉河內攝津兵攻海雲於南莊海雲逸妻子於阿波而入顯本寺自殺三好一秀鹽田若狹等二十餘人死之海雲生四子範長實休冬康一存範長重編應仁記按室町日記曰範幼名千熊稱孫次郎範長作義長雜髮號長慶三好別記作永義後稱長慶皆與本書不合季世記分流記實休作之康從初名也本書云實休初名之康後更義賢又丙支實休初範長母娘出三好川浴七夜祈曰男乎執天下之權女乎為天子之后既而產範長

範長狀貌魁偉。有權略。南海治亂記細川之持薦範長

於晴元為宰。十年九月。範長與三好政長。波多野

備前等。入攝津。攻鹽川。政年於一藏城。木澤左馬

允援政年。範長政長解圍退守。越水城。徵淡路兵。

攻拔富松城。十二年七月。故細川高國遺臣。立高

國族細川氏綱為主。起兵入堺浦。和泉人王井某

等屬焉。晴元命範長伐氏綱。八月。範長將兵擊王

井於橫山。破之。重編應仁記。按讀史餘論。天文九

起兵。圍細川。晴元於堺浦。晴元遣使召長慶。時長慶掌細川持隆兵。有威權。以父海雲故。深怨晴元。

不肯應召。弟實休諫之。乃發兵至兵庫。守越水城。

三好政長迎長慶。與俱伐氏綱。與本書不合。按分

流記。氏綱為高國後。係天文十二年七月。十五

日。與本書合。可從。外史晴元召長慶。係天文十五

年。未詳其所據。十四年夏。丹波人內藤顯勝。據關城。應細

川氏綱。波多野晴通。欲攻關城。來請援。範長與三

好政長赴援。攻下關城。十五年。足利義晴。右細川

氏綱。與畠山政國。謀討晴元。政國尚順子也。承兄

植長後。世據高屋城。至是遣其臣遊佐長教。與氏

綱兵來攻。晴元使範長拒之。不利。徵兵阿波。讚岐

淡路。九月。範長弟冬康。以淡路兵來援。長教等攻

高屋城在河內

大塚城。範長與政。長冬康。救大塚。攝津人三宅某。池田某。並叛應氏。我兵連戰不利。大塚陷。十月。範長弟實休將阿波兵二萬來援。我兵又振。將攻義晴。義晴避之坂本。傳職於子義輝。是歲。範長更名長慶。稱筑前守。十六年春。長慶與實休冬康等入攝津。攻拔三宅城。將攻畠山政國。聞足利義晴軍北白川。以應畠山氏。乃勸晴元攻義晴。而白留備氏綱。四月。晴元入京師。軍東山。尋還軍下芥川。城長慶請援於六角定賴。定賴晴元妻父也。七月。

晴元再入京師。軍相國寺。定賴與子義賢將兵來援。共攻義晴於北白川。破之。義晴尋講和歸京師。是月。長慶與政國戰于天王寺。破之。追入河內。重編應氏十七年四月。與政國和。長慶既壯。屢有戰功。憾三好政長嘗讒殺父。欲除之。乃訴晴元曰。臣父祖世為國盡忠。當先公辭世。君年尚弱。先臣元長輔君。滅高國以報先公之仇。乃為政長所讒殺。今縱不加誅。豈可使某預事。宜速解其兵權。不然。臣不能復戴君也。晴元忌長慶威權。右政長長慶益

憤怨遂降細川氏綱與遊佐長教等攻政長子政
 勝於榎並城晴元大怒討長慶徵兵阿波讚岐是
 時實休掌細川持隆兵持隆之持子也冬康為淡
 路安宅氏後一存為讚岐十河氏後三弟各以其
 兵羽翼長慶拒晴元三好氏勢益盛參取重編應仁記南海治
亂十八年正月長慶發兵縱火伊丹三月攻細川
 晴賢於中嶋城三好政長適來在城中與出拒長
 慶擊大破之政長晴賢逃走榎並城晴元在京師
 赴援入攝津守一藏城五月長慶遣三好長緣擊

香西元成於西川原破之元成走保三宅城晴元
 救元成入三宅長慶聞之曰敵萃二城是自送擒
 也六月長慶將分兵攻三宅榎並聞政長出軍江
 口乃赴江口與政長相持冬康一存軍三宅榎並
 間絕糧道諸將慮六角氏援晴元請先其未至攻
 三宅長慶不從一存以部兵往攻三宅破柵踰壘
 城垂陷一存曰使右京大夫自殺恐非阿兄意乃
 留兵備之還赴江口共擊政長斬之政勝棄榎並
 走晴元亦棄三宅奔京師九月長慶擁細川氏綱

入京師。京師震駭。晴元從足利義晴奔坂本。十九年正月。長慶連下伊丹富松諸城。悉定攝津。遂如京師。五月。足利義晴薨于穴太山中。義輝徙比叡。二十年二月。長慶與足利氏臣伊勢貞教判決畿內政。重編應仁記課京師之民出地子錢。將軍譜六角義賢遣使來議和。請復足利義輝。二十一年春。義賢再遣使來請和。長慶對曰。臣不敢抗將軍命。特恨右京大夫右臣仇政長。欲誅臣。是以至此。今臣仇已除。使右京大夫解職。以氏綱為管領。而右京

大夫子聰明承其後。臣則奉命於是。和成。義輝歸京師。晴元送其子聰明為質。削髮匿堅田。長慶寘聰明於越水城。以氏綱為管領。任右京大夫。長慶輔氏綱。擅畿內南海兵。重編應仁記使松永久秀掌京師政。久秀本西岡賈人。為人傾險多智。為長慶所親任。擅威權。南海治亂記四月。長慶自將畧丹波。攻波多野。晴通於屋上城。聞芥川某以芥川城應晴通。乃引兵還攝津。是歲。實休弒其主細川持隆。奪其妾。擊不從己者。悉定阿波。自稱豐前守。重編應仁記按將裔

日本外史補 卷之四 田氏藩

記。天文二十一年八月十九日。三好實休誘細川持隆遊獵。伏兵攻之。從臣奔散。星合彌三郎連池清助。獨留拒之。持隆得間走。見性寺。實休弟十河一存圍。見性寺。彌三郎清助赴。見性寺。俱奮戰。持隆自殺。二人殉之。分流記。季世記。二十二年七月。並係。天文二十二年五月。蓋誤。

長慶攻芥川。細川晴元潛入京師。說足利義輝起兵。義輝苦三好氏專橫。召六角氏兵。晴元遂焚三好氏第。長慶聞之大怒。與畠山高政合兵二萬入京師。高政。政國子也。晴元從義輝奔近江。長慶再攻芥川。拔之。徙細川聰明於芥川。使子慶興守之。二十三年九月。長慶令三好長緣將兵畧播磨。弘

孫次郎慶興

治元年正月。遣實休再徇播磨。攻三水城。長慶自將繼之。屯大山寺。三水城主別所某降。播磨悉定。永祿元年五月。足利義輝與細川晴元。六角義賢起兵。軍坂本。長慶使松永久秀拒之于白河。徵兵四國。六月。義輝軍地藏山。久秀以五千人與六角氏戰。不決。實休將阿波兵。冬。康將淡路兵。並來援。六角氏請和。許之。十一月。義輝歸京師。晴元遁走。長慶還芥川。是歲。畠山高政為其臣安見美作所迫。奔紀伊。美作代守高屋。河內盡附美作。長慶欲

日本外史補 卷之四 田氏藩

田本外野神
我之也
臨田田請
伐美作根來僧徒應美作。二年五月長慶遣一存
及松永久秀擊根來不利。六月長慶自將入河內
美作與野尻丹後等邀拒。七月赤松氏別所氏率
播磨兵來援。八月長慶率諸軍攻高屋。美作棄城
走飯森城。隨而圍之。美作脫身走大和。長慶復高
政于高屋。徙細川氏綱于淀。三年正月長慶攜慶
興如京師。謁足利義輝。義輝奏請以長慶叙從四
位下。任修理大夫。慶興任筑前守。賜其偏名。更名
義長。松永久秀任彈正少弼。久秀讒實休有異圖。長

山城守康長號
笑高

慶怒欲誅實休。三好康長諫止。四月長慶如淡路
實休削髮自阿波來謝。長慶待之如初。尋還芥川
畠山高政之復高屋。以湯川直光為宰。直光粗暴
貪黷。國人不附。高政復召安見美作。以代直光。長
慶聞之怒。攻高政。高政與美作奔堺浦。十一月長
慶徙飯森。使實休守高屋。遣松永久秀徇大和。下
澤口萬歲諸城。大和平。命久秀守志貴。是歲。一存
在岸和田。墮馬病創沒。四年正月長慶義長如京
師。謁足利義輝。三月饗義輝於義長新第。五月真

富田普門寺在攝津

細川晴元於富田普門寺。七月。六角義賢糾合細川氏遺臣。據地藏山。畠山氏遺臣亦擁高政起兵。紀伊河內兵多應者。長慶聞警。使義長屯梅津。久秀屯西院。以拒六角氏。冬。康守岸和田。以備畠山氏。夏。命實休據堺城。為應援。廿二月。高政與根來僧徒入河內。陷三箇城。五年春。高政以二萬人圍岸和田。城中兵寡。告急實休。實休使篠原長房赴援。守岸和田。自將萬人出陣。久米田長房望見出城戰。不利。敵兵進犯實休陣。實休拒戰被劊死。軍

教興寺在河內

終大敗。冬。康棄城走飯森。時長慶方會客為聯歌。聞敗自如。松永久秀入援。諫長慶速出兵。長慶曰。討賊之事。一委汝等。吾何必出也。既而義長亦入援。與冬康等出擊高政於教興寺。大破之。高政遁走。根來僧徒等皆降。重編應仁記。久米田之役。三別記。係永祿四年。事實亦不同。按分流記。永祿五年三月。係好實休陣。久米田畠山高政與安見美作。根來僧徒合兵來攻。實休先鋒篠原長房擊美作。等走之。追北而進。高政橫衝實休麾下。磨下兵寡。戰不利。實休被重創死。由是軍大潰。高政遂入高屋。使美作等攻飯盛。安宅冬。康松永久秀援飯盛。五月。三好康長襲湯川直光。及根來兵於教興寺。斬直光。斬首六百級。美作等聞之遁去。高政棄

日本外史補 卷之四 十四 關原氏戰敗

高屋 走 塙 亦與本書不合。而年月全同。無幾長慶有疾。專任久秀。久

秀威權出三好氏上。義長心不平。久秀忌義長才

望。陰謀除之。六年八月。久秀遂毒殺義長。長慶養

一存子義誥為嗣。任左京大夫。爾後長慶悲哀恍

惚。不復省事。是歲細川晴元。細川氏綱相尋卒。七

年夏。松永久秀讒冬康有叛心。長慶怒殺冬康。既

而知其無辜。恨悔。由是疾益劇。七月卒。年四十三。

義誥猶幼。三好長緣。三好政康。岩成左通。稱三好

三黨。爭權政大亂。重編應仁記。義誥一作義次。又作義繼。邦訓皆通。按分流。

下野守政康號
鈞閉
主稅助左通

記以三好日向守政康。三好下野守定逸。岩成主稅助左通。為三黨。讀史餘論。以三好康長。三好政

康。三好政勝。為三黨。與本書不合。外史以三好康長。三好政康。岩成左通。為三黨。未詳其所據。實

休之死。久米田子長治嗣。其臣井澤某。篠原某。專

其政。成立記。按本書。細川持隆之遭害。其妻大內氏歸周防。為尼。其妾岡本美作女也。義賢納

之。生二子。長曰長治。稱彦次郎。次曰存保。稱孫六郎。八年五月。松永久秀與

三好三黨。擁義誥入京師。圍足利義輝於二條城。

義輝縱火自殺。重編應仁記。初足利義植之奔淡路。攜

足利義澄長子義維。養為嗣。居阿波平嶋。至是久

秀與三黨議。迎義維子義榮於阿波。欲立為將軍。

左馬頭義維

左馬頭義榮

平嶋義隆圖足利官位未至久秀與三黨生隙三黨

擁義誥徙高屋重編應仁記九年二月畠山高政安見

美作應久秀屯堺浦義誥與三黨擊高政美作破

之久秀赴救度勢難抗請和罷兵六月足利義榮

自阿波至攝津十二月入普門寺十年二月朝廷

勅義榮為征夷大將軍叙正四位下三黨負功驕

恣不禮義誥義誥怒其乳母子金山駿河說義誥

奔堺浦歸松永久秀四月久秀擁義誥據志貴尋

入南都守多門城三黨來攻軍東大寺十月久秀

襲東大寺焚之三黨遁走十一年正月義誥徙津

田使細川藤賢守志貴初足利義輝二弟曰覺慶

為南都一乘院主曰周髡為鹿死寺主久秀殺周

髡幽覺慶覺慶逃走蓄髮更名義昭歷抵諸國遂

依織田信長於美濃九月信長大舉擁義昭入近

江攻六角氏連下諸城京師震駭義誥久秀不能

拒信長長驅入京師攻岩成左通於青龍寺降之

以左通為鄉導入攝津三好政康棄飯森三好康

長棄高屋三好長祿棄芥川皆奔四國攝津河內

諸城悉陷。十月，足利義榮病癱卒。義誥終與久秀等降信長。參取重編應仁記。將軍譜信長譜。信長割河內封義誥。及畠山高政以大和封久秀。信長還入京師立義昭為將軍。館本國寺。引兵而去。義誥徙若江。重編應仁記。十二年正月，三好長緣等伺信長不在，自阿波入攝津。松永久秀岩成左通畔應之。入京師圍義昭於本國寺。義誥為義昭妹婿，助義昭擊長緣等走之。久秀復降信長。天正元年，信長與義昭生隙，逐之。遂攻義誥於若江城，城中多叛者。義誥自度

不免，登樓櫓割腹死。近臣遊佐與傳焚樓自殺。自

長房起阿波，至義誥十四世，三百八十餘年乃亡。

將裔記。按讀史餘論。天正元年。義誥與松永久秀攻畠山高政滅之。信長大怒。遣兵來攻若江。十一月。義誥臣多羅尾丹波。沼左。京。殺義誥以降。與本書不合。義誥亡後五年，三好

長治為其臣一宮成助。井澤賴俊所弑。阿波大擾。

三好記。土佐國王長曾我部元親乘間數來侵。長治

弟曰存保出繼十河一存後。在堺浦。於是長治族迎存保為主。據勝瑞。元親畧取大西及重清。存保攻之不克。乃降織田信長。乞救。十年四月，信長使

其子信孝及丹羽長秀赴援。會信長為明智光秀所弑。不果。元親日夜來侵。八月存保與元親戰于中富川。大敗。保勝瑞。元親來圍。會霖雨浸城。存保奔讚岐。守十河城。阿波讚岐諸城盡陷。十一年。元親攻拔虎丸。遂圍十河城。中糧竭。不能支。存保潰圍走京師。降豐臣秀吉。及秀吉平四國。封存保於讚岐二萬石。十四年。秀吉將討嶋津氏。先命仙石秀久。長曾我部元親。及存保。率兵至豐後。與嶋津氏戰于戶次川。大敗。死之。十河氏亡。

參取十河物語。土佐物語。

松永久秀後。義誥之亡四年。而復叛。信長為其攻殺。三好三黨。或降或滅。不詳其所終。

信長誥

岡田儔曰。先師於政記論足利氏君臣曰。細川氏之事。足利氏志不在足利氏。而患已之得失而已。是以其臣之事之者。志不在細川氏。一彼一此。唯已之得失是視。而無所不至者。酷相似也。是豈細川氏之罪哉。足利氏事王家也。爭其兩紵。以優於已。亦由其志不在王家。而患已之得失。其源如此。宜其末流轉相倣倣也。故三好氏之臣之亂。三好

日本外史補 卷之四
氏猶三好氏之亂。細川氏三好氏之亂。細川氏猶足利氏之亂。足利氏猶足利氏之亂。王家信哉此言。余脩史至三好氏之事。廢書而歎焉。譬猶與奸奴黠僕俱奪人之財。致暴富。後又失之於奸奴黠僕。何者。既已共事。則不得不分其利。彼挾其功以邀於我。我惡其無饜欲除之。則爲其所反噬。無他。以我之致富。本出於私也。細川氏世奪足利氏之權。皆出於私者也。三好氏世輔細川氏。有共事之功。而長輝元長享其利。未久

而斃。至長慶。則懷無饜之欲。盡弁其利。而奪之者也。甚矣。天道好還。上已無道。下轉相倣。其禍循環無窮也。長慶已廢晴元。立氏綱。盡除已所憚者。以爲天下之事。無復足慮。無幾。松永久秀毒殺義長。絕其嗣。以奪三好氏之權。而長慶飲恨而沒。豈非亦倣我之奪細川氏之權也哉。

日本外史補卷之四

日本外史補卷之五六乎本山宗效兼京專撰

長會我部氏下云門祇縣陸生祇縣下會

長會我部氏出於秦河勝河勝二十五世之裔曰

能俊自信濃徙土佐居長岡郡會我部因氏焉能

俊後十世曰信能事足利尊氏及細川氏領四國

子孫世屬其部下為岡豐城主食邑三千貫土佐物語

本書會我部作宗我部今據土佐軍記武德大成

記諸書改之按土佐軍記長岡郡有會我部香美

郡亦有會我部因加郡名一字別之在長岡曰長

會我部氏在香美曰香會我部氏本書之說亦然

其作宗我部者蓋以會信能生兼能兼能生兼綱

宗邦音相通致謬混耳

日本外史補 卷之五 岡田氏藏

左近大夫茂宗
削髮號悔慶

兼綱生能重。能重生元親。元親子曰文兼。當文兼時。足利氏衰。天下爭亂。文明中。一條教房。避京師。亂擊。次子房家。至土佐。將軍足利義政。奏請房家。為土佐國司。治于幡多郡中村。房家幼。文兼翼戴之。與本山安藝大平津野吉良山田六族俱輔政。號七郡司。國內稍治。土佐物語。教房至土佐事。土佐軍記諸書不載。按應仁外記。應仁之亂。一條房家與父奔上佐。與本書合。可從。本書曰。七郡司之外。有香會我部氏片岡氏中村氏等國。文兼二子元門雄親相繼。至雄親子兼序。驕橫擅威權。永正六年。本山茂宗。嫉兼序專肆。

吉田備中守

與大平山城吉良駿河等攻兼序。兼序拒戰。自度不免。託一子其臣近藤某而自殺。中嶋某等十人死之。土佐物語。按蠹簡集。係永正五年。近藤抱兒人死之。年非也。土佐軍記兼序作元秀。投房家。房家憫而撫之。兒甫六歲。稱千雄。及長。房家為加首服。命名國親。悉予其舊邑。土佐物語。本翁。土佐軍記作千王。今從蠹簡集。國親名亦有異同。土佐軍記作元國。南海治亂記作元家。恐非蠹簡集曰。千雄生于文龜二年。以永正五年。投房家。時年七歲。誤也。國親以永祿三年死。年五十七。推而。上之。則永正六年。國親既復。慨然欲復父仇。以茂宗為其首謀。最恨之。而患其多黨。吉田城主吉田

周孝為人勇而多智。國親欲因以為援，乃通好。妻以妹。密與謀復仇。周孝曰：公欲舉大事，宜先懷人心。國親於是撫循境內，恩惠備至。久之，遠近服從。房家聞之，欲以國親女妻茂宗子茂辰，以解憾。諭之國親，先是國親與香曾我部秀義約婚，且以茂宗為宿仇也。欲辭之。周孝說曰：是可以問彼黨也。願公許之。國親從之。遽倍秀義約，更以女嫁本山氏。秀義怒，將攻國親。周孝為詣秀義謝罪，秀義意乃釋。而深憾茂宗。由是六族互懷危疑。周孝因說

式部少輔茂辰

出羽守秀義

國親曰：可以舉大事矣。天文十三年，國親發兵攻大津城，拔之。介良下田城兵並起，遮我歸路。國親擊破之，降介良城主橫山某，遂攻下田城。下田駿河，虐使其民，有一寡婦，其子以逋租見殺。至是，導我兵潛入城，縱火。國親伏兵城外，鼓譟攻之。城兵驚潰，駿河自殺。於是金山十市諸城皆降。香曾我部秀義請養國親子親泰為嗣。國親許之。土佐親削髮號覺世。二十年，攻山田元義降之。土佐

物語按土佐軍記香曾我部秀義請養親泰係永祿六年秀義作景好十六年國

治部少輔元義一作丹波守

本書攻山田元義。係天文十二年。盡簡集。永祿
三年五月。覺世納糧於種崎城。潮江海賊掠奪其
糧。潮江。本山氏屬邑也。覺世大怒。時茂宗既死。子
茂辰聞之大驚。斬賊二人來謝。覺世不釋。謀攻
其屬城長濱。初岡豐工人福原某得罪奔長濱。至
是潛來請為內應。覺世遣兵從種崎。乘風雨襲長
濱。福原縱火城中。應之。守將大窪某棄城逃。覺世
得捷報。自將赴種崎。路聞茂辰來救。乃逆戰長濱。
覺世長子元親。長身白皙。美容儀。常沉默居內。不

左京進親貞
伊賀守重康
備後守親家

與外事。衆輕侮之。曰為處女。覺世不子視之。時
年二十二。始從軍。自率二十騎離本軍而陣。將
士皆為之危。覺世望見罵曰。痴漢當餒敵。既而
茂辰兵來圍。元親馬上揮槍大呼。殲三騎。而敵
兵大至。覺世驚喜。使次子親貞及古田重康。江村
親家赴援。親家驍勇多力。提帆柱衝陣。大破之。茂
辰走浦戶。隨而圍之。茂辰遂棄城走朝倉。土佐物
語。本書
作元親年十八。然以元親慶長四年。卒年六十一。
推之。則當年二十二。故改之。按土佐軍記。長濱之
戰。係弘治二年。誤。覺世收兵入種崎。得疾。留兵浦戶種崎。

日外史補 卷之五 四 岡田氏藏版
隨長濱而歸。元親後發。謂衆曰。兵端因潮江賊。他日當先攻之。我將取路宇津山。觀潮江形勢而歸。衆諫之不聽。率兵三百踰宇津山。土寇百餘。自上投大石巨木。元親怒。勵衆仰攻。走之。既上巖。潮江城在眼下。元親熟視曰。城無人可取也。卽下山直破城門而入。果空城也。將士驚歎。問曰。何以知城無人。元親曰。城上飛鳥不驚。且土寇之走。無一人顧城。吾是以知城無人。將士皆服。六月。覺世疾劇。自知不起。召元親遺言曰。吾欲復父讎。而志不

能遂。汝謹勿忘。言訖而絕。年五十七。

土佐物語按。嘉簡集。

作國親年五十九。非也。余聞諸土佐人。瑞應寺有國親牌主。卒年五十七。可徵。按土佐軍記。

覺世已拔長濱。暴病。令嗣子元親守長濱。而歸岡豐。疾益劇。自度不起。召元親遺言云。云與本

書不四子元親親貞親泰親房元親嗣。稱宮內

少輔。奉父遺訓。屢攻本山氏。下水塚。秋山。森山

諸城。秦泉寺。吉松。稻毛。諸族皆來降。九月。元親

遣兵徇土佐郡。使吉田周孝守井口城。谷忠澄

守米本城。忠澄爲人機敏。有策略。其兄爲僧。曰

非有。爲龍本寺主。有器幹。與忠澄周孝。參與軍

忠兵衛忠澄

將監親茂

議當是時。一條氏衰。元親託復讎。陰有兼并之志。屢略取隣疆。而一條氏不能制。五年九月。元親攻本山茂辰於朝倉城。茂辰子親茂勇悍力拒。我軍不利退。明日復攻城。茂辰逆拒之于鴨部。死傷甚多。元親還軍。六年正月。茂辰焚朝倉。保本山城。先是。本山氏滅吉良駿河。取弘岡。至是。戊兵棄城逃。吾川土佐二郡平。元親命弟親貞。冒吉良氏守弘岡。土佐物語。按土佐軍記。南海治亂記。永祿六年。元親徇土

佐郡。攻吉良駿河。取弘岡。駿河走讚岐。與本書不合。本書云。天文中。本山茂宗讓本山城於茂

備後守國虎一作修理鹿康政初名兼定後削髮號自得宗性備後守重俊

辰。而徙朝倉城。朝倉與弘岡接壤。茂宗伺吉良駿河遊獵熱殿河。掩擊之。駿河自殺。據此滅駿河者。即本山也。七年。安藝國虎乞援於一條康政。合兵來攻。康政房家曾孫也。時城兵僅五百人。元親堅守。會吉田重俊自夜須城來援。斷敵後。元親出城擊破之。重俊周孝弟也。是歲。本山茂辰棄本山。保瓜生野。元親自將攻瓜生野。茂辰窘蹙。送致其妻子於我。而走阿波。土佐物語。按山武部。係永祿十一年。又按土佐軍記。永祿五年。元親攻朝倉。遣使城中說降。梅慶即降。削髮號宗元。梅慶即茂宗號也。而又號宗元。可十二疑。且本書梅慶死于永祿二年。故不取。

年元親遣使安藝國虎議和。不肯。七月。徇安藝郡。攻下姬倉金岡。遂圍國虎於安喜城。國虎自殺。元親命親泰守其城。土佐物語。按土佐軍記。改安喜城。係永祿八年。且云修理亮棄城走野根。依野根七郎。元親遂圍野根拔之。未知是否。於是并土佐五郡。獨津野氏據高岡郡。屬一條氏。吉良親貞說元親攻一條氏屬城蓮池。陰招其戍兵。戍兵多送款者。元龜元年十一月。親貞襲蓮池。城兵走保戶波城。親貞遂攻下戶波津野勝興懼而降。請養一子為嗣。元親使第三子親忠嗣津

孫次郎親忠

野氏。天正元年。元親既滅六族。康政僅保幡多一郡。而耽宴好內。其老土井宗二諫之。康政怒殺宗二。於是老臣安並某為松某羽生某。覲康政遊獵。要之讓政嗣子內政。既而安並等聞康政怒欲誅己懼。通款於元親。圖康政。明年遂逐康政。康政奔豐後。依大友氏。元親徙內政於大津。以女配之。國中悉屬元親。後康政入伊豫。舉兵來討。尋為舊臣入江左近所給弒。土佐物語。按土佐一條譜。鑑女也。天正五年。康政為元親所迫。薙髮奔豐後。依大友氏。又按土佐軍記。元親既滅六族。謀除康

政而康政耽宴自如其老土井宗算謀之不聽元親因問之詐修好宗算數遣使贈遺康政果疑宗算與元親有私殺之群臣皆危懼元親又誘殺康政老臣安並和泉為松若狹由是叛者相繼康政乃奔豐後依大友義鎮義鎮其妻父也後康政入伊豫舉兵舊臣多來屬者元親聞之誘一條氏舊臣入江左近給執康政並是時織田信長定畿內與本書不合錄以備考

宇喜多直家據備前美作元親求好二氏以自固

而阿波有三好氏讚岐有香川氏香西氏伊豫有

河野西園寺宇都宮諸族兵爭不絕元親窺間欲

并四國土佐三年三好氏臣一宮成助來通款阿州

將裔記八月元親自將略阿波初元親弟親房有疾

鳴親房稱彌九郎

海部屬阿波

就醫京師路泊海部為其戍將海部越前所殺至是欲先攻海部以修宿憾進陣完喰越前邀拒元親擊走之遂攻海部越前棄城逃日和佐椿泊皆降使香曾我部親泰守海部四年春略伊豫宇都宮元綱臣菅田直之據大津城與佐久間安房相攻元綱方與河野氏構兵不能援直之直之來乞救元親遣兵助直之攻安房於鍛冶城拔之八幡城望風而潰今直之守二城土佐夏阿波大西覺養以大西來降質其弟上野既而叛附三好氏諸

上野初稱七郎兵衛

羽久地屬阿波
三好郡
雲邊寺在讚岐
阿波界

將請殺其質。元親曰：質子何罪？釋之。上野感激，請自效。五年，一宮成助弒其主三好長治。阿波大擾。元親以大西上野為鄉導，攻大西。覺養致城而遁，以其邑予上野。尋召還覺養，城羽久地置戍，遂登雲邊寺。寺面伊豫讚岐，元親慨然指之曰：豫讚在我掌中矣。參取土佐物語。南海治亂記。按土佐軍亂記，以為覺養子。元親記並以大西上野為覺養甥。治今從物語。三好記。六年，十河存保攻一宮成助於一宮城，成助走大栗山。存保長治弟也。為十河一存義子。長治死後，其族迎存保立為主。據勝瑞。將

山城守康長號
笑崑

記大西上野下重清，使覺養守之。既而為存保所攻陷。阿波諸城多應存保。元親自將自大西攻重清。存保來救，元親擊走之。遂攻岩倉。岩倉三好康長屬城也。其子式部以城降。康長在河內，訴之織田信長。信長移書元親曰：阿波讚岐伊豫皆我之隸。汝謹勿犯。若敢犯，吾必加兵于汝。元親不聽，遣大西上野說降伊豫河江城主妻鳥氏。新居宇摩諸郡皆降。南海治亂記香川信景據西讚岐四郡。與十河存保善。既而生隙。元親聞之，招降信景。信景請

養元親子為嗣。元親大喜，使次子親和嗣香川氏。
 七年春，元親畧讚岐，圍財田城，城主財田佐兵衛
 衝圍出戰，橫山源兵衛與格鬪，斬其首，佐兵衛臣
 小森菊之丞刺殺源兵衛，奪主首，投之火中而逃。
 源兵衛子源三郎追斬菊之丞，獻其首。元親賜以
 父邑，遂攻羽床氏，降之。土佐物語。元親賜源三郎是
 郎以父邑。據土佐軍記。是
 歲三好、式部誘殺存保三驍將，存保勢益衰。於是
 元親并阿波七郡，威震四國。南海治亂記。八年五月，波
 川玄蕃謀反，伏誅。玄蕃，元親妹婿也。流言一條嗣

君同謀。元親怒，放內政於伊豫法華津。一條氏亡。
 十河存保攻讚岐藤田城，賊將齋藤政賴告急。元
 親遣兵赴援，不克，城陷。政賴遁走。元親自將攻取
 之。納政賴土佐使一將率萬人助一宮成助攻下
 一宮城，納成助。將齋大西當阿波讚岐界，其險可
 守，而便於出兵。元親因以為根據，築壘于西長尾。
 置兵以通大西羽久地糧道。九年春，三好康長入
 阿波，復其邑美馬三好。子式部以岩倉叛，應康長。
 康長與香西某扼綾坂。元親在西莊，留香川信景。

水津屬阿波

而還大西。七月，十河存保募讚岐阿波淡路兵一萬與康長圍西莊。信景棄城走。織田信長使仙石秀久援存保。徇淡路。羽柴秀吉運糧於水津。是時河野通直與宇都宮元綱戰不決。元綱使菅田直之來乞援。元親將攻河野氏。使將助直之守大津。而大西上野自喜多。久武內藏助自宇和二道迫之。通直乞救於安藝毛利氏。毛利氏以兵一萬赴援。圍元綱于興居嶋。攻陷大津。直之戰死。元親不敢援。元綱竟降毛利氏。毛利氏引去。元親聞之

乃出攻興居嶋。元綱棄城逃。通直走來嶋。乞降。通

直先曰通盛。事足利尊氏。授伊豫守護。世為著姓。

至是而亡。伊豫悉平。南海治亂記。通直先通盛。事足利氏。據大日本史。本書通

直作通昌。元綱作豐綱。興居嶋作松山。今據上佐軍記改之。按土佐物語。天正九年四月。元親命久武內藏助親直。率七千人畧西伊豫。從美間攻岡本城。不利。中丸死。而通直之降。係天正十一年。土佐軍記內藏助戰死。係天正五年。攻宇都宮。元綱係天正八年。事實亦不同。仍俟後考。十年

四月。織田信長聞元親荐滅隣國。大怒。遣其子信

孝及丹羽長秀來攻。次和泉。三好康長為先鋒。攻

一宮巒山下之。會信長為其下所弒。信孝長秀路

還軍康長奔河內元親聞之大議進取八月自將入阿波與十河存保戰于中富河大破之存保走勝瑞隨而圍勝瑞不下九月霖澇浸城存保奔讚岐守十河城元親既下勝瑞諸城望風解散物語按上佐軍記中富河之戰係天正五年八月誤三好康長之入阿波也有告一宮成助及富岡城主新開道善通康長至是元親誘殺二人將齋令江村親俊守一宮東條關兵衛守水津阿波悉定十月元親自將攻存保於十河城不下十一年春再畧讚岐拔虎丸城分兵

徇引田仙石秀久援存保至引田逆戰我兵不利元親聞砲聲赴援擊破之秀久遁去遂圍十河城存保潰圍走京師讚岐平元親自起兵二十四年而并四國土佐物語長虎丸城及存保走京師據十二年羽柴秀吉與織田信雄構兵於尾張紀伊雜賀及根來僧徒並應信雄欲夾攻秀吉來請援元親遣香曾我部親泰將兵二萬赴援聞信雄與秀吉和乃止土佐軍記十三年秀吉平紀伊將征四國元親欲邀拒之于和泉谷忠澄說曰秀吉

大舉。國家存亡決於此矣。臣請先見秀吉。請和以緩其事。觀釁而動。未晚也。元親從之。忠澄乃往見秀吉於堺浦。曰。弊邑以兵亂故。絕使聘。非敢有他。君若有事於四方。寡君舉四國兵為前驅。秀吉讓曰。汝主橫奪四國。罪當誅。今以其來謝。特宥之。速可致伊豫讚岐。不則大兵臨汝疆。忠澄復命。因勸元親削二國結和。元親怒曰。吾百戰取四國。今無故付之他人。人謂我何。若以弓箭失之。非所悔也。不聽。南海治亂記秀吉使弟秀長甥秀次將舟師五萬。

自阿波毛利氏將吉川元春。小早川隆景。自伊豫。宇喜多氏兵自讚岐。並來攻。元親命嗣子信親留守。而自軍羽久地。遣諸將四守疆上。以一宮當敵衝。使忠澄助江村親俊拒守。秀長秀次攻水津。東條關。兵衛棄城走。有告關兵衛通于敵。元親誅之。秀長進圍一宮。阿波諸城多叛者。伊豫金子石川諸城亦為元春隆景所攻陷。元親計築壘于讚岐。植田置羸卒以誘敵於險。而間道自羽久地夾擊。宇喜多氏監軍黑田孝高覺之。與宇喜多氏兵赴。

阿波與秀長合兵攻一宮。親俊忠澄堅守。秀長遣使城中議和。忠澄自度衆寡不較。乃如羽久地。勸元親和。元親不肯。衆交諫之。乃因秀長謝罪。秀吉怒其不亟降。削阿波讚岐伊豫。土佐物語。元親築壘于讚岐植田誘敵。據南海。十月。元親如京師。謁秀吉。及進見。元親昂然注目秀吉。不轉視。其意有變。欲刺之也。秀吉溫言待之。以故不發。既辭出。左右笑其不嫻禮節。秀吉曰。否。吾視渠眼光殊可畏也。是歲。秀吉任關白。夏。姓豐臣。十四年正月。元親如大坂。謁秀吉。秀

吉俱登天主閣。厚饗之。土佐物語。拜從四位下侍從。南志。按土佐物語係天正十六年誤。秀吉將討嶋津義久。九月。令仙石秀久。十河存保。及信親。率兵赴豐後。援大友氏。元親助信親俱往。臨發。秀吉誡秀久曰。義久若不服。且勿與戰。以俟我至。秀久先遺書義久。致秀吉命。促其入朝。義久不聽。使其弟義弘。家久。將兵並進入豐後。十二月。家久攻鶴城。元親與秀久存保。助大友義紗。拒之于戶次川。秀久欲濟而戰。元親曰。敵兵甚銳。且恐南岸有伏。不如待敵濟而邀擊。

秀久以引田之役與元親有隙不聽曰公不欲戰
吾欲獨戰乃亂流而進元親不得已與信親俱進
果遇伏銃丸雨注我軍大敗存保死之秀久義統
脫身走家久縱兵追擊信親留戰揮薙刀斬二十
餘騎而死元親欲親決戰十市新右衛門諫之乃
以殘兵數十騎走上原遂抵伊豫不敢歸國秀吉
怒秀久違命奪其封元親以信親死宥罪明年春
從秀吉伐義久義久降七月歸上佐參取上佐物
語南海治亂
記按二書秀吉以元親伐島津氏功加封大隅元
親愧前敗辭不受可疑嶋津氏之降秀吉使因故

上領薩隅日恐十六年四月後陽成天皇幸

聚樂第元親從秀吉扈衛是歲元親徙大高坂信
親歿後元親悲哀踰歲未立嗣庶子香川親和津野
親忠並為衆所服而元親獨愛少子千熊變臣久
武親信希意數稱千熊賢於是元親欲立千熊為
嗣妻以信親女召將士議之吉良親實諫曰立嗣
以長禮也香川氏年最長次當立即有不當立津
野氏在焉且以姪配叔奈人倫何比江山親興亦
爭之元親不擇而罷親信素與親實有隙譖之曰

左京進親實親
貞子也

掃部助親興

香川津野皆非負荷之器。而親實等欲立之。其意不可測矣。元親信之。乃殺親實。親興遂立千熊為嗣。命名盛親。十八年。秀吉討北條氏。元親與加藤嘉明將水軍屯佐川口。沿海有一寨。元親與嘉明以巨艦攻拔寨。土佐物語。按元親記。小田原之役。元親戰艦。號大黑丸。艦極大。櫓夫三百人。遇伊豆崎。諸軍皆觀之。秀吉遣使褒之。文祿元年。秀吉征朝鮮。元親與生駒親正將第六軍。秀吉譜率三千人航海。四月。朝鮮兵艦數百艘抵熊川。元親與加藤嘉明。脇坂安治等攻之。元親臣香會我部親氏。吉田政重

市左衛門政重

等奮戰奪虜哨船。焚巨艦三艘。二年。從元帥宇喜多秀家攻晉州。拔之。是役。慶州將朴好仁來援入城。守禦甚勉。及城陷。潰圍走。吉田政重生獲之。元親以好仁歸土佐。以其有將材。遇之以賓禮。土佐物語。本書曰。朴好仁子孫。改稱秋月氏。其餘所俘獲八十餘人。元親憫之。賜宅地居之。皆改鬻為業。所居稱唐人街云。慶長二年。和議敗。再航海。與藤堂高虎等將第六軍。八月。從宇喜多秀家攻下南原。進下全州。三年六月。元親與諸將歸自朝鮮。謁秀吉。秀吉譜四年春。元親拜正四位少將。為土佐守。五月。得疾

卒年六十一

土佐物語按盡簡集四月元親如京師得疾五月卒于伏見邸

盛親

嗣當是時秀吉既薨子秀賴幼東照公代決天

下政五年公東下討上杉景勝盛親遣使送款

公尋發軍而石田三成起兵關西遏我使者以

要盛親盛親乃應三成與宇喜多秀家等攻伏見

城拔之八月下阿濃津遂赴關原軍南宮山麓會

小早川秀秋等應東軍西軍大敗盛親不戰而走

入多羅尾山經伊勢伊賀至和泉欲與毛利輝元

俱拒東軍抵大阪聞三成等已被捕輝元乞降乃

航歸土佐遣使就非伊直政謝罪

土佐物語

東照公

特釋之令直政趣盛親來謝盛親將赴大阪久武

親信說曰津野親忠雅歸心內府且與藤堂高虎

善高虎推引恐割本州予之不如先除之而後就

召盛親然之逼親忠自殺十月盛親至大阪寓天

滿學校寺公優容之使居伏見故第

關原記大全按土佐

物語久武親信勸盛親殺津野親忠盛親不從親信乃矯命迫親忠自殺又云東照公命盛親使

居大阪第與召藤堂高虎問津野親忠何在高虎

具白以見殺之狀公大怒褫盛親封罪當死直

政為請哀。自詣盛親第。諭曰。王公怒不可回。當以

本州付我。盛親乃致封。大全。土佐物語。寓京師。削髮號祐

夢。大阪之役。所司代板倉勝重。慮盛親有異圖。遣

兵監館舍。盛親請勝重曰。僕與淺野氏有舊。願如

紀伊。立功償罪。不聽。會豐臣秀賴密遣使招盛親。

許以復舊封。盛親即夜潛入大阪。秀賴大悅。賜印

章。使其招四國兵。大成記。按土佐物語。甲寅之役。盛親見所司代板倉勝重曰。聞

有事于大阪。僕願効力行間。以償罪。勝重曰。主公不日當發駕。我將為子請之。盛親陽喜謝去。於是

招平日所交市人。置酒極歡。眾既散。即夜盛親明潛乘輕舸直赴大阪。與本書不合。書以備考。

年五月。東將藤堂高虎。并伊直孝。入矢尾久寶寺。

秀賴使盛親及木村重成。各將萬人拒之。重成陣

若江。拒并伊氏。盛親陣矢尾。上隄望藤堂氏旗。乃

潜伏隄下。高虎前軍將藤堂高刑。桑名一孝。藤堂

氏勝等馳迫。盛親乃起。大呼擊走之。重成游兵亦

來援。獲高刑一孝等。一孝稱彌次兵衛。故長曾我

部氏臣也。從軍屢有功。盛親禡封後。散遣將士。一

孝去仕藤堂氏。及盛親應大阪。舊臣多來屬者。獨

一孝不來。人或問其故。對曰。既已委質事人。而又

仁右衛門高刑
勘解由氏勝

背之不義。我有一死以報新主之恩。且成故主之名。至是果致死。我軍既克。盛親縱兵追擊。會高虎將渡邊掃部。細井主殿。橫衝我軍。盛親與接戰不利。藤堂高吉渡邊了繼來戰。我軍終大敗。重成亦為井伊氏所破。戰死。盛親與真田幸村等自平野退入城。明日出拒京橋口。望城中火起。乃棄旗走入幡。從兵盡散。獨與近習二人伏葭葦中。城陷後四日。為蜂須賀氏臣長坂某所擒。斬于二條磧。取參

土佐物語難波戰記。元和先鋒錄。按難波戰記。矢尾之戰。盛親獲藤堂勘解由。取其冑置諸左右。感

其勇也。及被囚。託守兵遺之。勘解由家云。今按先鋒錄。勘解由與元親姪主水鬪。被殺。子小大。年十六。刺殺主水。取父首還。事平。高虎論功。屬高刑一孝等者。以其將為敵所獲。賞不及。獨屬勘解由者。以復其首得賞。據此。則難波戰記之說。曰。七日。秀賴使烈祖成績分注。載浪花戰記之說。曰。七日。秀賴使盛親守京橋口。是日。城兵戰敗。逃亡相繼。盛親子右衛門太郎年十三。中夜逃出。盛親不忍棄亦走。欲歸土佐。道梗塞。乃匿八幡村里。蘆葦中。有人告之。伏見松平隱岐守。設計捕之。右衛門太郎走至良岑。被捕。與難波戰記。渭水聞見錄。諸書不合。蓋誤。

岡田僑曰。長會我部兼序。以專肆其其身。國親以其遺孤。為一條房家所庇。遂復舊邑。乃負恩擅起兵。擊六族。而元親又託復讐。并吞其國。其罪固不

容誅也。而一條氏之所以得禍者。蓋亦有自取焉。自古小人得寵於君。往往馴致篡奪之禍。而其初未必不起於忽微也。人君已不慎之於初。及其勢不可制而悔焉。亦已晚矣。房家不懲兼亭之專。而庇國親者。蓋以文兼嘗有翼戴我之功。欲存其後耳。苟欲存其後。豈無處之之道。乃過寵以驕其心。予之邑。以益其勢。是猶傳虎翼也。及其加兵於六族。一條氏悔之。而其勢既成。不可復制。無他。不慎之於初。其取滅亡固宜也。余嘗論長曾我部氏之

於一條氏。猶宇喜多氏之於浦上氏。皆怙恩以致反噬也。宇喜多能家爲嶋村豐後所殺。浦上宗景召其孫直家寵之。使其殺豐後復祖讐。割其邑予之。於是直家翹然自恣。盡除己所忌者。遂弑宗景。奪其國。國親不遂其志而死。雖未至如直家弑逆。而元親續成父志。盡滅六族。迫逐其君。有酷肖焉者。蓋宗景房家之於直家。國親其初皆小兒畜之。其意以謂我撫而育焉。何敢負我。不知彼皆懷豺狼無厭之心。非益奪其國則不已。而二君者。不自

意其禍之至於此也。房家本肉食紈袴。其子孫皆務安逸。非有治國經世之才。其孱懦與宗景等耳。則其取禍固不足異焉。獨恠直家元親皆犯篡奪之罪。而脫天誅全首領。可謂之有天道耶。然庚子之役。其子秀家盛親皆應西軍。失其國一傳而絕祀。識者以為其父積惡之報。則天道之好還果可不懼哉。

日本外史補卷之五

